

ք.Երևան

2014-08-08

ՀՀ կառավարության աշխատակազմը, ի դեմս աշխատակազմի ղեկավար-նախարարի առաջին տեղակալ Գ. Դոմանյանի, որը գործում է Ընկերության կանոնադրության հիման վրա, այսուհետ՝ **Բաժանորդ**, մի կողմից և <<ՍՕՍ Միսթեմ>> սահմանափակ պատասխանատվությամբ ընկերությունը, ի դեմս գլխավոր տնօրեն Վահագն Ծատուրյանի, որը գործում է Ընկերության կանոնադրության հիման վրա, այսուհետ՝ **Օպերատոր**, մյուս կողմից, առանձին և համատեղ հիշատակման դեպքում այսուհետ կանվանվեն համապատասխանաբար Կողմ կամ Կողմեր, հիմք ընդունելով փոխադարձ համաձայնությունը և ղեկավարվելով ՀՀ օրենսդրությամբ, կնքեցին սույն պայմանագիրը (այսուհետ՝ **Պայմանագիր**) հետևյալի մասին.

1. Պայմանագրում օգտագործված հասկացությունները

1.1. **Նախարարություն** - Հայաստանի Հանրապետության արտակարգ իրավիճակների նախարարություն:

1.2. **Օպերատոր** - << ՍՕՍ ՄԻՍԹԵՄՍ >> սահմանափակ պատասխանատվությամբ ընկերություն:

1.3. **Հսկման Համալիր Համակարգ** /այսուհետ՝ **ՀՀՀ**/ - ապարատա-ծրագրային միջոցների հավաքածու, բաղկացած **Հերթապահ-դիսպետչերական կենտրոն** համակարգից, /այսուհետ՝ **ՀԴԿ**/, Ներօբյեկտային հրդեհի տազնապի ազդանշանի փոխանցման ինքնաշխատ սարքից /այսուհետ՝ **Ներօբյեկտային սարք**/:

1.4. **Հերթապահ-դիսպետչերական կենտրոն՝ ՀԴԿ**- բաղկացած է վահանակային կայանից, ավեհավաքա-ֆիդերային սարքավորումներից, օպերատորի և ադմինիստրատորի աշխատանքային տեղի հավաքածուից:

1.5. **ՀԴԿ հեռախոսահամար-ՀԴԿ**-ին միացված հեռախոսահամար, որին փոխանցվում է ներօբյեկտային հրդեհի տազնապի ազդանշանի մասին հաղորդագրությունը:

1.6. **Ներօբյեկտային տազնապի ազդարարման ինքնաշխատ համակարգ** /այսուհետ՝ **Ներօբյեկտային համակարգ**/ - օբյեկտում գոյություն ունեցող տազնապի ազդարարման ինքնաշխատ համակարգ:

1.7. **Ներօբյեկտային հրդեհի տազնապի ազդանշանի փոխանցման ինքնաշխատ սարք** /այսուհետ՝ **Ներօբյեկտային սարք**/ - նոր տեղադրվող կամ օբյեկտում գոյություն ունեցող տազնապի ազդարարման ինքնաշխատ համակարգին համակցվող սարք՝ նախատեսված օբյեկտում գոյություն ունեցող տազնապի ազդարարման ինքնաշխատ համակարգից հրդեհի տազնապի ազդանշանը ռադիոկապուղով, Internet/Ethernet/GSM/GPRS/հեռախոսային ֆիքսված ցանցերով կամ կապի այլ միջոցներով **Նախարարության ՀԴԿ** փոխանցման համար: **Ներօբյեկտային սարքը** մոնտաժվում է **Օբյեկտում** հրդեհի բռնկման վերաբերյալ առավել արագ ազդանշան ստանալու և համապատասխան մարմինների կողմից հրդեհաշիջում կատարելու նպատակով:

1.8. **Բաժանորդ** - սույն պայմանագրի կողմ հանդիսացող ֆիզիկական կամ իրավաբանական անձ:

1.9. **Օբյեկտ** - շինություն կամ ցանկացած օբյեկտ, որում տեղադրված է **Ներօբյեկտային**

համակարգ, և որին համակցվելու է Ներօբյեկտային սարքը:

1.10. Աշխատանքներ - անհրաժեշտության դեպքում Օպերատորի կողմից Ներօբյեկտային սարքի մատակարարման, ինչպես նաև մոնիթինգի, Լոկալ ցանցին միացման և գործարկման աշխատանքներ:

1.11. Բաժանորդային վարձ - Օպերատորի կողմից Բաժանորդին մատուցվող ծառայության դիմաց Բաժանորդի կողմից վճարվող ամսական վարձավճար:

1.12. Վճար - Բաժանորդի կողմից Օպերատորին սույն պայմանագրի շրջանակներում կատարված Աշխատանքների և մոնիթինգի Ներօբյեկտային սարքի համար նախատեսված վճար:

1.13. Լոկալ ցանց - ռադիոկապուղի, Internet/Ethernet/GSM/GPRS/հեռախոսային ֆիքսված կամ կապի այլ ցանցեր, որոնցով տազնապի ազդարարման ինքնաշխատ համակարգից հրդեհի տազնապի ազդանշանը փոխանցվելու է Նախարարության ՀԴԿ:

1.14. Հաշվետու ժամանակահատված - օրացուցային ամիս:

1.15. Մոնիթորինգ - Օբյեկտում տեղադրված Ներօբյեկտային համակարգի տվյալների կողմից հրդեհի տազնապի ազդանշանների շուրջօրյա հսկում:

1.16. Տեխնիկական սպասարկում - ՀՀ-ի անխափան աշխատանքի ապահովում:

1.17. Ծառայություն - Օպերատորի կողմից ՀՀ-ի տեխնիկական սպասարկման և մոնիթորինգի ծառայությունների մատուցում:

1.18. Տեխնիկական պայմաններ - Օբյեկտում Ներօբյեկտային համակարգի առկայություն, որը պետք է համալրված լինի հետևյալ կապուղիներից որևէ մեկով՝ Contact ID, GSM, CSData, քաղաքային հեռախոսագիծ:

1.19. Ընդհանուր պայմաններ - Սույն Պայմանագրով նախատեսված Աշխատանքների կատարման և Ծառայությունների մատուցման ընդհանուր դրույթներ և պայմաններ, որոնք հրապարակված են www.sossystems.am կայք-էջում:

2. Պայմանագրի առարկան

2.1 Օպերատորը պարտավորվում է Բաժանորդի Ներօբյեկտային համակարգը հնարավորության դեպքում համակցել ՀԴԿ-ին և գործարկել, իսկ Բաժանորդը պարտավորվում է ընդունել Աշխատանքները և վճարել սույն Պայմանագրով սահմանված կարգով և ժամկետներում, ընդ որում Բաժանորդի ներօբյեկտային համակարգը պետք է համապատասխանի Օպերատորի կողմից սահմանված Ընդհանուր և Տեխնիկական պայմաններին և ապահովի Օբյեկտի (Օբյեկտի գտնվելու վայրի հասցեն՝ ք. Երևան, Հանրապետության հրապարակ, կառավարական թիվ 1 շենք) համակցումը Նախարարության ՀԴԿ-ին: Այն դեպքում, երբ Բաժանորդը չունի Ներօբյեկտային սարք, որը համապատասխանում է Օպերատորի կողմից սահմանված տեխնիկական պահանջներին, ապա սույն Պայմանագրի հիման վրա Բաժանորդն իրավունք ունի Օպերատորից ձեռք բերել Ներօբյեկտային սարք:

2.2 Օպերատորը պարտավորվում է Բաժանորդին մատուցել Ծառայություն, որի դիմաց վերջինս Օպերատորին վճարում է Բաժանորդային վարձ՝ սույն պայմանագրով սահմանված կարգով և ժամկետներում:

3. Վճարման պայմանները և ժամկետները

3.1 Օպերատորի կողմից կատարված Աշխատանքների Վճարի չափը գոյանում է սույն

պայմանագրի անբաժանելի մաս հանդիսացող հավելված 1-ով սահմանված կարգով և կազմում է 120000 / հարյուր քսան հազար/ դրամ, ներառյալ ԱԱՀ-ն:

3.2 Վճարը Բաժանորդը Օպերատորին վճարում է ընդունման-հանձնման ակտը ստորագրելուց հետո 15 /տասնհինգ/ բանկային օրվա ընթացքում:

3.3 Բաժանորդը Օպերատորի կողմից Մառայության մատուցման դիմաց վերջինիս վճարում է Բաժանորդային վարձ՝ ամսական 5400 / հինգ հազար չորս հարյուր / ՀՀ դրամի չափով՝ ներառյալ ԱԱՀ:

3.4 Բաժանորդային վարձը Բաժանորդը Օպերատորին վճարում է յուրաքանչյուր եռամսյակը մեկ՝ յուրաքանչյուր առամսյակին հաջորդող ամսվա 15-ը:

4. Կողմերի իրավունքներն ու պարտականությունները

4.1 Բաժանորդը սույն Պայմանագրով Օպերատորին երաշխավորում է, որ չի գտնվում երրորդ կողմի հետ այլ պայմանագրային հարաբերության մեջ կամ չունի այլ պայմանավորվածություն, որն իրեն կկաշկանդի կնքել սույն Պայմանագիրը, Պայմանագիրը կնքված է նման լիազորություն ունեցող պատշաճ անձի կողմից:

4.2 Բաժանորդն իրավունք ունի՝

4.2.1 Ստուգել Օպերատորի կողմից Աշխատանքների կատարման ընթացքը՝ չմիջամտելով վերջինիս Աշխատանքներին: Պահանջել Մառայության մատուցման ընթացքում Օպերատորի կողմից թույլ տրված թերությունների վերացում:

4.3 Բաժանորդը պարտավոր է՝

4.3.1 Սույն Պայմանագրով սահմանված ժամկետում վճարել Աշխատանքների դիմաց սահմանված Վճարը և Մառայության մատուցման դիմաց սահմանված Բաժանորդային վարձը:

4.3.2 Ընդունել պատշաճ ձևով սույն պայմանագրի համաձայն Օպերատորի կողմից կատարված Աշխատանքները և մատուցված Մառայությունը:

4.3.3 Օպերատորին տրամադրել Օբյեկտում անարգել մուտք և ելք:

4.3.4 Կատարել Օպերատորի կողմից սույն Պայմանագրով սահմանված պարտավորությունների կատարման անհրաժեշտությամբ ծագած բոլոր բանավոր և գրավոր հրահանգները:

4.3.5 Օպերատորին տրամադրել.

- Օբյեկտի հատակագիծը, իսկ առկայության դեպքում նաև հատակագծի վրա Ներօբյեկտային համակարգի գծագրված տեղաբաշխման սխեման;

- Հասցեային տվիչներ տեղադրված լինելու դեպքում, նշված տվիչների հասցեները;

- Ներօբյեկտային համակարգը ՀԴԿ-ին կամ Ներօբյեկտային սարքին համակցման համար անհրաժեշտ ելքերը /չոր կոնտակտ և այլն/;

- Օբյեկտի հրշեջ ծորակների տեղաբաշխման, հրդեհաշիջման համակարգի և տարահանման սխեմաները;

- Առկայության դեպքում՝ Օբյեկտի բնութագիրը;

- Օբյեկտի հրդեհային անվտանգության պատասխանատու անձի կոնտակտային տվյալները;

- Համապատասխան տարածք արտաքին ալեհավաքա-ֆիդերային սարքավորման տեղադրման համար համար /անհրաժեշտության դեպքում/;

4.3.6 Օպերատորին տրամադրել գործող Ներօբյեկտային համակարգ;

4.3.7 Ներօբյեկտային համակարգը և Ներօբյեկտային սարքը ապահովել անխափան սնուցման աղբյուրով;

4.3.8 Ապահովել **Ներօբյեկտային համակարգի** անխափան աշխատանքը, անսարքությունների դեպքում անհապաղ վերացնել դրանք:

4.3.9 Օպերատորի կողմից տրամադրված կապի միջոցներից (քարտեր և այլն) ոչ ՀԴՄ հեռախոսահամարին ուղարկված կարճ հաղորդագրությունների կամ զանգերի դեպքում Օպերատորին փոխհատուցել այդ հաղորդագրությունների և զանգերի արժեքը;

4.3.10 Օպերատորի կողմից տրամադրված GSM կամ ռադիոկապի ծառայությունները տրամադրող օպերատորի կապի միջոցներին՝ քարտերին կարճ հաղորդագրություններ կամ զանգեր ստանալու դեպքում Օպերատորին փոխհատուցել այդ հաղորդագրությունների և զանգերի արժեքը;

4.3.11 Ժամանակին վճարել ՀԴԿ-ի համակցման համար անհրաժեշտ ֆիքսած հեռախոսագծի և/կամ այլ կապուղու համար սահմանված վճարները, եթե համակցումը իրականացվել է նշված կապուղիների միջոցով;

4.3.12 **Ներօբյեկտային սարքը** չքանդել, չվնասել, չձևափոխել կամ որևէ այլ փոփոխության չենթարկել՝ առանց Օպերատորի գրավոր համաձայնության:

4.3.13 Կատարել **Օպերատորի** կողմից սահմանված **Տեխնիկական և Ընդհանուր պայմանները**;

4.3.14 Ապահովել **Ներօբյեկտային համակարգի** ՀԴԿ-ին համակցման տեխնիկական հնարավորությունը, համաձայն **Տեխնիկական և Ընդհանուր պայմանների**:

4.4 **Օպերատորը** սույնով երաշխավորում է, որ իրավասու է իրականացնել սույն Պայմանագրով նախատեսված Աշխատանքները և Ծառայությունների մատուցումը:

4.5 **Օպերատորն** իրավունք ունի՝

4.5.1 Սույն պայմանագրով սահմանված ժամկետում և կարգով ստանալ **Աշխատանքների** դիմաց սահմանված **Վճարը** և Ծառայության մատուցման դիմաց սահմանված **Բաժանորդային** վարձը;

4.5.2 Մուտք գործել **Օբյեկտ**՝ սույն պայմանագրով սահմանված պարտավորությունների իրականացման համար;

4.5.3 Չկատարել սույն պայմանագրով ստանձնած պարտավորությունները, եթե **Բաժանորդը** սահմանված կարգով չի վճարել **Աշխատանքների** դիմաց.

4.5.4 Դադարեցնել Ծառայության մատուցումը, եթե **Բաժանորդը** **Բաժանորդային** վարձը վճարելու համար սույն Պայմանագրով նախատեսված ժամկետը լրանալու պահից հինգ և ավելի օրերի ընթացքում չի վճարել **Բաժանորդային** վարձը;

4.5.5 Չհամակցել **Ներօբյեկտային համակարգը** ՀԴԿ-ին, եթե **Բաժանորդի** կողմից չեն ապահովվել սույն պայմանագրով սահմանված **Տեխնիկական և Ընդհանուր պայմանները**:

4.6 **Օպերատորը** պարտավոր է՝

4.6.1 **Աշխատանքները** կատարել և Ծառայությունը մատուցել սույն Պայմանագրի դրույթներին համաձայն;

4.6.2 Վերացնել կատարված **Աշխատանքների** և մատուցած Ծառայությունների թերությունները;

4.6.3 Իր կողմից մոնտաժված **Ներօբյեկտային սարքի** համար տրամադրել երաշխիք՝ երկու տարի ժամկետով: Հետերաշխիքային սպասարկումն իրականացվում է վճարովի հիմունքներով՝ կախված կատարվող աշխատանքի ծավալից և ինքնարժեքից:

4.6.4 **Աշխատանքների** կատարումն իրականացնել սույն պայմանագրով սահմանված ժամկետում;

4.6.5 Ապահովել ՀՀՀ-ի անխափան աշխատանքը;

4.6.6 Շուրջօրյա մատուցել սույն պայմանագրով սահմանված **Ծառայությունը**;

4.6.7 Անհրաժեշտության դեպքում ապահովել ՀԴԿ-ին համակցման համար GSM կամ ռադիոկապի ծառայությունները տրամադրող օպերատորի կապի միջոցներով /քարտ և այլն/, եթե համակցումը իրականացվել է կապի վերը նշված տարատեսակներով;

4.6.8 Բաժանորդի պահանջով նրան՝ սույն Պայմանագրով որոշված հատուցմամբ օտարել **Ներօբյեկտային սարք**;

4.6.9 **Աշխատանքները** կատարել Բաժանորդի կողմից վճարումը սույն Պայմանագրի 3.2 կետում նշված ժամկետում և չափով կատարելուց հետո:

4.6.10 Սույն Պայմանագիրը կնքելու պահից 5 (հինգ) աշխատանքային օրվա ընթացքում կատարել **Աշխատանքները**:

5. Աշխատանքների հանձնման-ընդունման կարգը

5.1 Սույն Պայմանագրի 2.1. կետում նշված Աշխատանքների ավարտից հետո՝ երկու աշխատանքային օրվա ընթացքում Կողմերը կնքում են **Աշխատանքների հանձնման-ընդունման ակտ**:

5.2 **Աշխատանքների** հանձնման-ընդունման ակտը կնքելուց հետո հաջորդ օրացուցային օրը **Օպերատորն** սկսում է **Բաժանորդին** մատուցել **Ծառայությունը**, որն էլ համարվում է Ծառայությունների մատուցման սկիզբը:

6. Ժամկետներ

6.1 Սույն Պայմանագիրը գործում է անժամկետ:

6.2 Կողմերից յուրաքանչյուրն իրավունք ունի պահանջել Պայմանագրի վաղաժամկետ միակողմանի լուծում՝ այդ մասին նախապես 60 (վաթսուն) օր առաջ տեղյակ պահելով մյուս Կողմին:

6.3 Պայմանագիրը վաղակետ լուծելու դեպքում Օպերատորը Բաժանորդին է վերադարձնում չկատարված Աշխատանքի կամ չմատուցված Ծառայության համար վճարված գումարը, իսկ Բաժանորդը Օպերատորին վճարում է մինչ Պայմանագիրը դադարեցնելու պահը կատարված Աշխատանքի կամ մատուցված Ծառայության համար նախատեսված Վճարը:

7. Ֆորս մաժոր

7.1 Սույն պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության արդյունք, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքացիական հուզումները, գործադուլները, էլեկտրասնուցման խափանումները և հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը:

7.2 Եթե անհաղթահարելի ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել Պայմանագիրը՝ այդ մասին նախապես տեղյակ պահելով մյուս կողմին:

8. Կողմերի պատասխանատվությունը և վեճերի լուծման կարգը

8.1 **Կողմերը** պատասխանատվություն են կրում սույն Պայմանագրի պայմանների չկատարման կամ ոչ պատշաճ կատարման համար ՀՀ օրենսդրությամբ սահմանված կարգով:

8.2 Սույն Պայմանագրի 3.2 կամ 3.4 կետերով սահմանված պարտավորությունները չկատարելու և /կամ ոչ պատշաճ կատարելու դեպքում, Օպերատորն իրավունք ունի **Բաժանորդից պահանջել վճարել տույժ՝** յուրաքանչյուր ժամկետանց օրվա համար **Օպերատորին**, վերջինիս գրավոր պահանջի դեպքում, վճարում է տույժ՝ օրական՝ համապատասխանաբար **Վճարի** կամ **Բաժանորդային վարձի** 0.5%-ի չափով:

8.3 Սույն Պայմանագրից ծագած բոլոր վեճերը լուծվում են բանակցությունների միջոցով, իսկ յոթօրյա ժամկետում համաձայնություն ձեռք չբերելու դեպքում՝ ՀՀ օրենսդրությամբ սահմանված կարգով:

8.4 **Օպերատորը** ոչ մի դեպքում պատասխանատվություն չի կրում **Բաժանորդին** հրդեհի հետևանքով պատճառված վնասի համար: Հրդեհի դեպքում հրդեհի տագնապի ազդանշանի մասին հաղորդագրությունը ՀԴԿ-ին չփոխանցվելու դեպքում Օպերատորը **Բաժանորդին** վճարում է տուգանք երեք ամսվա ամսավճարի չափով:

8.5 Օպերատորը պատասխանատվություն չի կրում ծառայությունները չմատուցելու կամ ոչ պատշաճ մատուցելու համար, եթե **Բաժանորդը** խախտել է **Ընդհանուր պայմանները**, Տեխնիկական պայմանները կամ որևէ այլ կերպ խոչընդոտել կամ անհնարին է դարձրել Օպերատորի կողմից ծառայությունների մատուցումը, ինչպես նաև այն դեպքում, եթե Ներօբյեկտային հրդեհի տագնապի ազդանշանի փոխանցման սարքը ինքնաշխատ չէ և ազդանշանի փոխանցումն իրականացվում է **Բաժանորդի** պատասխանատու անձի միջամտությամբ:

8.6 Ներօբյեկտային համակարգի անսարք լինելու հետևանքով տագնապի կեղծ ազդանշան առաջանալու դեպքում, եթե այդ ազդանշանների թիվը մեկ ամսվա ընթացքում գերազանցել է երկուսը և Նախարարությունը դրանց արձագանքել է հրշեջ մեքենաների առաքմամբ, ապա **Բաժանորդը** պարտավորվում է Օպերատորին վճարել տուգանք՝ երկու կեղծ ազդանշանին հաջորդած յուրաքանչյուր կեղծ ազդանշանի համար՝ 20000 (քսան հազար) ՀՀ դրամի չափով:

9. Այլ դրույթներ

9.1 **Բաժանորդը** պարտավորվում է պահպանել Օպերատորի **Ընդհանուր պայմանները**, որոնք հանդիսանում են սույն Պայմանագրի բաղկացուցիչ մասը:

9.2 Սույն Պայմանագիրը կազմված է հայերեն լեզվով, կնքված երկու հավասարազոր օրինակներից, յուրաքանչյուր կողմին տրվում է մեկական օրինակ:

9.3 Սույն Պայմանագիրը ուժի մեջ է մտնում կնքման պահից և գործում է մինչև դրանով սահմանված պարտավորությունների ամբողջական և պատշաճ կատարման ավարտը:

9.4 Սույն Պայմանագրի փոփոխությունները և լրացումները կատարվում են Կողմերի փոխադարձ համաձայնությամբ՝ լրացուցիչ համաձայնագիր կնքելու միջոցով, որոնք կնքման պահից կհանդիսանան սույն Պայմանագրի անբաժանելի մասը:

9.5 Սույն Պայմանագրով նախատեսված բոլոր ծանուցումները պետք է ուղարկվեն էլեկտրոնային նամակով. հեռապատճենով կամ գրավոր նամակով՝ սույն Պայմանագրում նշված հասցեներով, եթե սույն Պայմանագրի որևէ այլ կետով այլ բան սահմանված չէ:

10. Կողմերի վավերապայմանները

ՊԱՏՎԻՐԱՏՈՒ

ՀՀ կառավարության աշխատակազմ
Իրավաբանական հասցե՝ ք. Երևան,
Հանրապետության հրապարակ,
կառավարական թիվ 1 շենք
Գործունեության հասցե՝ ք. Երևան,
Հանրապետության հրապարակ,
կառավարական թիվ 1 շենք
ՀՎՀՀ՝ 02505554
Հ/Հ՝ 900011022085
ՀՀ ՖՆ գործառնական վարչություն
աշխատակազմի ղեկավար-նախարարի
առաջին տեղակալ՝
/ Գ. Դումանյան /



ԿԱՊԱԼԱՌՈՒ

<<Սօս Սիսթեմս>> ՍՊԸ
Իրավաբանական հասցե՝ ՀՀ, ք. Երևան,
Մամիկոնյանց 48, 1-ին մասնաշենք, 5-րդ
հարկ, 2-րդ սենյակ
Գործունեության հասցե՝ Գործունեության
հասցե՝ ՀՀ, ք. Երևան, Մամիկոնյանց 48, 1-ին
մասնաշենք, 5-րդ հարկ, 2-րդ սենյակ
ՀՎՀՀ՝ 02605138
Հ/Հ՝ 1930041816500100
<<Կոնվերս Բանկ>> ՓԲԸ
Գլխավոր տնօրեն՝

/ Վ. Ծատուրյան /



Հավելված 1

2014-08-04

Կնքված թիվ ԱԻՆ 209 Պայմանագրի

ք.Երևան

2014-08-08

Սարքավորումներ				
Անվանումը	Չափի միավորը	Քանակը	Միավորի գինը, առանց ԱԱՀ	Ընդամենը
Տանդեմ 2	հատ	1	75000.00	75000
Մարտկոց	հատ	1	5000.00	5000
Աշխատանքներ				
Համակցումը ՀԴԿ-ին	հատ	1	20000.00	20000

Ընդհանուր՝ 100000

ԱԱՀ %՝ 20000

Ընդհանուր վճարմանը ենթակա գումար՝ դրամ՝
120000

Օբյեկտի գտնվելու վայրի հասցեն՝
ք. Երևան, Հանրապետության
հրապարակ, կառավարական թիվ 1
շենք

Կողմերի Ստորագրությունները

Բաժանորդ

Օպերատոր

ՀՀ կառավարության աշխատակազմ
աշխատակազմի ղեկավար-նախարարի
առաջին տեղակալ՝

/ Գ. Դումանյան /



<<Սոս Սիսթեմս>> ՍՊԸ
Գլխավոր տնօրեն՝

/ Վ. Մատուրյան /

